

<b>Adroddiad ar gyfer:</b>	<b>Pwyllgor Craffu Partneriaethau</b>
<b>Dyddiad y Cyfarfod:</b>	<b>Medi 27<sup>ain</sup> 2012</b>
<b>Swyddog Arweiniol:</b>	<b>Pennaeth Tai a Datblygu Cymunedol</b>
<b>Awdur yr Adroddiad:</b>	<b>Rheolwr Adfywio Strategol</b>
<b>Teitl:</b>	<b>Adolygiad o Addysg Uwch yng Ngogledd Ddwyrain Cymru</b>

---

### **1. Beth mae'r adroddiad yn ymwneud ag o?**

Darparu sylwadau i'r Panel sydd wedi cael y gwaith o gynnal adolygiad o'r ddarpariaeth Addysg Uwch yng Ngogledd Ddwyrain Cymru

### **2. Beth yw'r rheswm am wneud yr adroddiad hwn?**

Ymgysylltu ag adolygiad pwysig gyda'r bwriad o ddylanwadu ar ddarpariaeth Addysg Bellach yng Ngogledd Ddwyrain Cymru yn y dyfodol

### **3. Beth yw'r argymhellion?**

Ystyried sut i ymateb i'r Panel er mwyn dylanwadu ar ganlyniad yr Adolygiad er pennaf lles preswylwyr a chymunedau Sir Ddinbych

### **4. Manylion yr adroddiad**

Ym mis Gorffennaf 2011 fe gyhoeddodd y Gweinidog dros Addysg a Sgiliau gyngor Cyngor Addysg Uwch Cymru ar y strwythur a gymeradwyir i'r sector addysg uwch sydd wedi ei osod allan yn adroddiad *Strwythur Addysg Uwch yng Nghymru yn y Dyfodol*. Roedd yr adroddiad hwn yn cynnwys yr argymhelliad y dylai Prifysgol Glyndŵr ddatblygu perthynas strwythurol gadarn ag ystod o golegau addysg bellach o fewn strwythur grŵp dan arweiniad Prifysgolion Aberystwyth a Bangor.

Yn dilyn ystyriaeth o faterion a godwyd yn ystod ymarferiad ymgysylltu ysgrifenedig dilynol, gwnaeth y Gweinidog ddatganiad i'r Cynulliad ar Dachwedd 29 yn hysbysu Gweinidogion nad oedd wedi derbyn cyngor Cyngor Addysg Uwch Cymru o ran Gogledd Cymru. Yn unol â'r dadleuon a fynegwyd gan nifer o fudd-ddeiliaid, fe ystyriai fod yna achos dros ystyried platfform presennol y ddarpariaeth yng Ngogledd Ddwyrain Cymru'n fanylach a thros archwilio ymhellach yr opsiynau i ddiogelu mwy o gydlyniad rhanbarthol yng nghyflenwad addysg bellach ac addysg uwch.

Roedd Panel Adolygu Annibynnol wedi ei sefydlu dan Gadeiryddiaeth yr Athro Syr Adrian Webb i gynnal adolygiad o Ddarpariaeth Addysg Uwch yng Ngogledd Ddwyrain Cymru. Mae amcanion a graddfeydd amser yr Adolygiad a manylion aelodaeth y Panel Adolygu wedi eu gosod allan yn yr Atodiad i'r adroddiad.

Mae Is-Ganghellor Prifysgol Glyndŵr, yr Athro Mike Scott, wedi cytuno'n garedig i roi cyflwyniad i'r Pwyllgor ar y Brifysgol a'i swyddogaeth yng Ngogledd Ddwyrain Cymru.

## **5. Sut mae'r penderfyniad yma'n cyfrannu tuag at y Blaenoriaethau Corfforaethol?**

Byddai'r penderfyniad yn cyfrannu tuag at flaenoriaeth gorfforaethol arfaethedig uchelgais economaidd. Mae cyfran preswylwyr Sir Ddinbych sydd wedi eu haddysgu hyd NVQ lefel 4 yn is na'r ffigwr cyfartal i Gymru ac i ardaloedd awdurdodau cymdogol yn Lloegr. Dylai gwella cyflawniad addysgol, cyflogadwyedd ac enillion preswylwyr y sir felly fod yn ganlyniad allweddol unrhyw strategaeth a ddatblygir i ddelio â'r flaenoriaeth yma. Bydd argaeledd darpariaeth Addysg Uwch yn yr isranbarth yn gritigol i gyflawni canlyniad felly ac i ddylanwadu ar ddarpariaeth y dyfodol drwy ymateb i'r Adolygiad presennol a gwneud cyfraniad mawr tuag at y flaenoriaeth gorfforaethol arfaethedig.

## **6. Faint fydd o'n ei gostio a sut fydd o'n effeithio ar wasanaethau eraill?**

Ddim yn gymwys

## **7. Pa ymgynghoriadau a gafwyd?**

Mae'r Panel Adolygu eisoes wedi cynnal cyfarfodydd efo'r Arweinydd/Aelod Arweiniol dros Ddatblygu Economaidd, y Dirprwy Arweinydd/Aelod Arweiniol dros Addysg, y Cyfarwyddwr Corfforaethol dros Gwsmeriaid a'r Rheolwr Adfywio Strategol. Fe hysbyswyd Cadeirydd y panel adolygu o ddiddordeb y pwyllgor yn y mater yma ac mae wedi cadarnhau y bydd unrhyw argymhellion yn cael eu hystyried yn rhan o'r adolygiad.

## **8. Datganiad y Prif Swyddog Cyllid**

Ddim yn gymwys

## **9. Pa risgiau sydd yna ac a oes yna unrhyw beth y gallwn ei wneud i'w lleihau?**

Os na fyddai'r pwyllgor yn darparu sylwadau i'r Panel Adolygu mae yna risg na fyddai ei argymhellion i'r Gweinidog yn ystyried barn y Cyngor yn llawn ynglŷn â threfniadau'r dyfodol ar gyfer darpariaeth Addysg Uwch yng Ngogledd Ddwyrain Cymru.

## **10. Grym i wneud y Penderfyniad**

Mae Adran 2 Deddf Llywodraeth Leol 2000 yn rhoi'r grym i'r Cyngor wneud unrhyw beth y mae'n ei ystyried sy'n debygol o hyrwyddo neu wella lles economaidd y'r ardal.

### **Swyddog Cyswllt:**

Rheolwr Adfywio Strategol

Ffôn: 01824 706860

